

Félag ungra lækna verður Félag almennra lækna

Þann 6. nóvember síðastliðinn var aðalfundur Félags ungra lækna haldinn í Þjóðleikhúskjallaranum. Á fundinum var samþykkt að breyta nafni félagsins í Félag almennra lækna, skammstafað FAL. Ástæðurnar fyrir nafnbreytingunni eru þær helstar að sögn formannsins Hjördísar Þóreyjar Þorgeirsdóttur, að mikilvægt sé að hnykkja á því að félagsmenn séu fullgildir læknar – kandidatar eru ekki með almennt lækningaleyfi. „Hvatinn var sá misskilningur að unglækna væru ekki útskrifaðir og að félagið væri meira í ætt við ungliðahreyfingu en fullgilt stéttarfélag. Félagið gengst þó enn við gamla nafninu þar til nafnbreytingin hefur verið fest í sessi á aðalfundi Læknafélags Íslands.“

Hjördís Þórey segir að nafnbreytingin hafi verið orðin tímabær því margir félagsmenn í FUL geti tæplega talist unglækna samkvæmt þeirri skilgreiningu sem lögð er í hugtakið. „Þetta er félag lækna sem hafa almennt lækningaleyfi en hafa ekki lokið sérgreinarámi auk kandidata. Það hefur færst í vöxt að lækna stundi sérnám sitt hér heima og eru þá í félaginu í 5-6 ár, jafnvel lengur. Áður stöldruðu flestir stutt við í félaginu, kannski eitt til tvö ár áður en þeir héldu utan til framhaldsnáms. Einnig eru margir lækna starfandi með almennt lækningaleyfi án sérgreinar sem geta tæpast talist ungir en eiga þó heima í okkar félagi kjósi þeir það.“

Mótmæla harðlega Night-Float- vaktafyrirkomulagi

Að loknum almennum aðalfundarstörfum sendi fundurinn frá sér tvær ályktanir:

Aðalfundur Félags almennra lækna lýsir yfir ánægju með að fjármögnun og bygging nýs Háskólasjúkrahúss hafi verið tryggð. Fundurinn álitur að sameinaður Landspítali spari fjármuni og tryggi öryggi sjúklinga mun betur en núverandi fyrirkomulag.

Aðalfundur Félags almennra lækna mótmælir harðlega fyrirhuguðum breytingum á vaktafyrirkomulagi á Landspítala. Fyrirkomulagið, nefnt Night-Float, mun leiða af sér auknið vinnuálag, minnkaða starfsánægju, skerðingu á kjörum og aukna hættu á mistökum í starfi.

Hjördís segir þetta fyrirkomulag hreina afturför, það hafi verið við lýði á Landspítala til ársins 2005 en hafi þá verið lagt af. Hugmyndin með Night-Float vaktafyrirkomulagi er að skeyta saman næturvöktum þannig að tekin sé fleiri en

ein vakt í röð. Við það eykst heildarvinnutími læknanna til muna, án þess að kaupaukning komi til. „Þetta stangast á við vinnutímatilskipanir ESB sem Ísland hefur gengist undir og er því lögbrot hvað varðar heildarvinnutíma lækna, en hann skal ekki vera meiri en 48 klukkustundir á viku að meðaltali. Nú þegar eru þessi lög brotin á fleiri sviðum. Þrjár útfærslur eru mögulegar með mislögum vaktalotum. Hefur yfirstjórn spítalans reifað hugmyndir um sjö daga lotur sem hefði í för með sér gríðarmikla vinnu á skömmum tíma og ógnaði verulega öryggi sjúklinga og starfsfólks. Slíkt fyrirkomulag er heldur ekki í samræmi við lög um vinnutíma. Við höfum enn fremur reiknað út að þetta þýði 20% kjararýrnun fyrir almenna lækna og kandidata sem er ekki hægt að sætta sig við.“

Í upphafi var þessum breytingum lýst sem faglegri framför því samfella í starfi deildarlækna yrði meiri. Á sameiginlegum fundi með umsjónardeildarlæknum hefur þó komið fram að skortur á samfellu sé einungis bundinn við tvö svið og á hvorugu þeirra sé fyrirkomulagið vel fallið til að bæta úr því. Jafnframt lögðu umsjónardeildarlækna annars sviðsins fram tillögur að úrbótum, en þær hugmyndir voru slegnar af borðinu þar sem þær myndu ekki leiða til aukins vinnuframlags. Nú hefur yfirstjórn líka viðurkennt að þetta sé fyrst og fremst sparnaðarráðstöfun, enda veruleg rýrnun á launakjörum deildarlækna. Útreikningar okkar sýna hins vegar fram á að sparnaður spítalans í krónum talið verður í raun enginn, það er að segja ef lög um vinnutíma verða virt, því með því að nýta starfskrafta deildar- og aðstoðarlækna í auknum mæli í dagvinnu þarf meiri mannskap til að manna hverja vaktalínu. Þetta gæti þannig leitt til aukinnar mönnunarþarfar. Auk þess leiðir kerfið til þess að vaktaskipti lækna verða einum fleiri á hverjum sólarhring. Því fylgir aukinn kostnaður og hættu á mistökum, eins og sýnt hefur verið fram á með rannsóknunum.

Við munum ekki sætta okkur við þetta og höfum bæði Vinnueftirlitið og Læknafélag Íslands með okkur í þessari baráttu. Það verður að sjálfsögðu ekki liðið að framin séu lögbrot á stéttinni.“



„FAL er félag lækna sem hafa almennt lækningaleyfi en hafa ekki lokið sérgreinarámi kandidata,“ segir Hjördís Þórey Þorgeirsdóttir formaður.

Stjórn FAL

Hjördís Þórey Þorgeirsdóttir
formaður
Davíð Þór Þorsteinsson
gjaldkeri
Árdís Björk Ármannsdóttir,
ritari.
Meðstjórnendur:
Eyjólfur Þorkelsson,
Ingibjörg Kristjánsdóttir,
Óli Hilmar Ólason,
Sigrún Ásgeirsdóttir,
Sigrún Hallgrímsdóttir,
Unnur Guðjónsdóttir
Valentínus Þór Valdimarsson.
Fulltrúar læknanema:
Dagur Ingi Jónsson.
og Katrín Jónsdóttir.

Hávar Sigurjónsson